

ԳՆԱՀԱՏՄԱՆ ԵՎ ԹԵՍՏԱՎՈՐՄԱՆ ԿԵՆՏՐՈՆ

ՀԱՅՈՑ ՊԱՏՄՈՒԹՅՈՒՆ

2024 ԹՎԱԿԱՆԻ ՄԻԱՄՆԱԿԱՆ ՔՆՆՈՒԹՅԱՆ

ՈՒՂԵՑՈՒՅՑ

ԸՍՏ ՀԱՆՐԱԿՐԹՈՒԹՅԱՆ ՆՈՐ ԾՐԱԳԵՐԻ և
ՉԱՓՈՐՈՇԻՉՆԵՐԻ

ԵՐԵՎԱՆ 2024

Պատասխանատու՝ Նարինե Թադևոսյան

ՆԱԽԱԲԱՆ

Ուղեցույցում ներկայացված են 2024 թ. Տավուշի մարզում ըստ փորձարկվող նոր ծրագրի կազմված «Հայոց պատմություն» առարկայի միասնական քննության թեստերի առաջադրանքներում ընդգրկվելիք ծրագրային նյութի շրջանակները, կառուցվածքը:

2024 թ. միասնական քննության համար որպես հիմք են ընդունվել ՀՀ կրթության, գիտության, մշակույթի և սպորտի նախարարի 2023 թ. մարտի 30-ի N 33-Ն հրամանը, «Հանրակրթական ուսումնական հաստատություններում «Հայոց պատմություն» առարկայի 10-12-րդ դասարանների առարկայական չափորոշիչները:

Ուղեցույցում ներկայացված են 2024 թ. միասնական քննության թեստերի կառուցվածքը, առաջադրանքների կառուցվածքային տեսակների համամասնությունը, առաջադրանքների կառուցվածքային տեսակները, պատասխանների ձևաթուղթը, առաջադրանքներում ընդգրկվելիք ծրագրային նյութի շրջանակները:

I ԹԵՍԻ ԿԱՌՈՒՑՎԱԾՔ

Քննական թեստը բաղկացած է Ա և Բ մակարդակներից և ներառում է 70 առաջադրանք:

Ա մակարդակի առաջադրանքները վերաբերում են պ ե տ ա կ ա ն ավարտական քննությանը և միասնական քննության ավարտական մասին:

Միասնական քննությունը ներառում է Ա և Բ մակարդակները:

Թեստային առաջադրանքները ունեն հետևյալ 3 կառուցվածքային տեսակները՝ ընտրովի պատասխանով, կարճ պատասխանով և պնդումների փունջ՝ բաղկացած 6 պնդումներից:

Ընտրովի պատասխանով (թեստի հ.հ. 1-34 և 46-57 առաջադրանքներ) և կարճ պատասխանով (հ.հ. 35-44 և 58-69) առաջադրանքներից յուրաքանչյուրի ճիշտ պատասխանին տրվում է 1 միավոր, պնդումների փնջի ամբողջական ճիշտ պատասխանին՝ 6 միավոր (հ.հ. 45 և 70):

Թեստի ընդհանուր միավորը այդպիսով կազմում է 80:

Թեստի առաջադրանքների կառուցվածքային տեսակների համամասնությունը

| Առաջադրանքների կառուցվածքային տեսակները | Առաջադրանքների քանակը | Առավելագույն միավորը |
|---|-----------------------|----------------------|
| Ընտրովի պատասխանով | 46 | 46 |
| Կարճ պատասխանով | 22 | 22 |
| Պնդումների փունջ | 2 | 12 |
| Ընդամենը | 70 | 80 |

Միասնական քննական թեստի առաջադրանքների կատարման համար տրամադրվում է 180 րոպե:

Միասնական քննության միավորը հաշվարկվում է 20 միավորանոց սանդղակով՝ հիմնվելով ամբողջ աշխատանքի կատարման արդյունքում դիմորդի հավաքած միավորների վրա:

ԱՌԱՋԱԴՐԱՆՔՆԵՐՈՒՄ ԸՆԴԳՐԿՎԱԾ ՆՅՈՒԹԸ

«Հայոց պատմություն» առարկայի պետական ավարտական և միասնական քննության թեստերում ընդգրկված են առարկայական նոր չափորոշիչներին և բովանդակությանը համապատասխանող առաջադրանքներ.